

Kipim Promes blong Hem

I Kam long Lucy Stevenson Ewell

Ol Magasin blong Jos
(I kamaot long wan tru stori)

"Sikis dei nomo i stap bifo mi baptaes!" Happiness i talem. !Dei ia i stap kam kolosap nao!
"Yu yu rere?" papa i askem.
"Yes, mi ting," Happiness i talem.
"Taem yu kasem baptaes, yu mekem wan kave-nan" papa i talem. "Yu yu tingbaot se hemia i minim wanem?"

"Hem i wan promes, i stret?"

Papa i saksak hed blong agri. "Yes! Yu promes blong folem Jisas Kraes mo obei ol komanmen. Papa long Heven i promes blong blesem mo helpem yu."

Happiness i smael. Hem i save se hemia i wan impoten promes. !Hem i glad tumas blong mekem!

Long en, dei blong baptaes i kam. Happiness i jenis i go long ol waet klos. Tu nara-fala pikinini tufala i stap kasem baptaes tu. Olgeta evriwan oli wajem wota we i stap fulumap ples blong baptaes.



Taem we taem blong hem, Happiness mo papa tufala i stanap insaed long ples blong baptaes. Papa i talem prea blong baptaes. Afta, Happiness i holem nus blong hem blong blokem, mo papa i putum hem i daon andanit long wota.

Taem hem i kambak antap, !Happiness i filim gud tumas! Hem i wantem blong kipim promes blong hem blong folem Jisas. Hem i wantem blong filim klin olsem mo glad blong oltaem. Hem i neva wantem blong mekem wan rong joes bakegen.

Samfala dei i pas, Happiness i wekap mo tanem wota hita blong mekem se hem i save go swim. I tekem longtaem blong wota i kam hot. So, Happiness i onem TV. Hem i wantem blong wajem katun, blong stap wet.

Happiness i laf taem hem i wajem ol anamol we oli stap toktok. !TV so ia i fani tumas! I no longtaem, hem i fogetem wota hita.

Wan aoa i pas, papa i wokbaot i kam insaed long rum. "Hamas taem nao we wota hita i on blong?" hem i askem.

Happiness i lukluk i go antap. !Hem i bin wajem TV longtaem bitim we hem i stap tingting long hem!

"I no longtaem tumas," Happiness i talem.

"Ating blong hamas minit nomo." Hem i ofem TV mo ron i go blong swim.

Be long haf dei ia, Happiness i filim nogud insaed long hat blong hem. Afta long baptaes blong hem, hem i neva wantem blong mekem wan rong joes. !Be hem i bin giaman nomo long papa!

Happiness i pulum longfala win blong hem. Hem i save wanem nao bae hem i mekem.

"Eh, papa," Happiness i talem.
"Mi bin giaman. Mi bin lego wota hita i stap blong longtaem, be mi no minim blong mekem olsem. Mi sore."

"Hem i Oraet. Tangkyu blong talem long mi," Papa i talem.

"Mi filim nogud tumas from we mi brokem promes blong baptaes blong mi," Happiness i talem.

Mi jes giaman
naoia nomo
long papa.
?Wanem nao?



Papa i sidaon wetem Happiness long am jea. "Taem yu bin kasem baptaes, yu no bin promes blong stap stret gud evriwan. Yu promes blong traehad blong folem Jisas."

Happiness i saksakem hed blong agri. Toktok ia i mekem hem i harem gud smol.

"Mo yu, yu save wanem blong mekem taem yu mekem wan rong joes?" Papa i askem.

"?Sakem sin?" Happiness i talem.

"!Hemia nao! Taem yumi sakem sin, Papa long Heven bae i fogivim yumi. Afta, bae yumi kam klin bakegen semmak olsem dei we yumi bin kasem baptaes. Sakem sin hem i pat blong kipim promes blong baptaes blong yu."

Happiness i smael. "Bae mi go prea mo askem Papa long Heven blong fogivim mi." Hem i glad hem i kipim promes blong baptaes blong hem. ●

Stori ia i hapen long Kana.

